

IN NOME JESU!
DISPUTATIO THEOLOGICA

De

CAUSA MALI
PRIMA AC GE-
NUINA:

QUAM

Dei O. Max. Auxilio,

In Regia Universitate Aboënsi,

cum consensu Reverenda

Fac. Theologice,

P RÆ S I D E

ENEVALDO SVENONIO,

Q. G. A. S. S. Theol. Doct. Prof. prim.

nec non Eccles. Urbis Numen-

sisq: Pastore,

Defendere conabitur

ANDREAS M. RINGIUS,

Wex. Smol.

In Audit. Sup. ESS Max. ad. d. 25. Augo.

Anno gratiae M. DC. LXXVI.

A B O Æ,

Excusa à PETRO HANSONIO, Acad. Typ.

Ad vocaten Láris: Wilstadiu



SUCCEDEIT ORDINE

II. Θέσις Καταφατική.

a. quod Malum origo & prima causa
peccati fuerit diabolus.DISP.
Rest
ANT
RIS
Smo

I.

Angeli omnes boni creati, pars liberri-
mā & indifferente facultate volendi, de-
sciverunt à bono. Job. 8: 44. Diabolus in
veritate non stetit; Quia non est veritas in
eo; cum loquitur mendacium, de suo loquitur,
quippe mendax est atq; ejus pater. 1. Ioh. 3: 8.
Απ' δέ χῆς ὁ διάβολος ἀμαρτάνει, Diabo-
lus peccat ab initio. Jud. Epist. v. 6: Qui-
dam angelī non servaverunt suū principatum;
Sed dereliquerunt suū domiciliū.
2. Pet. 2: 2. Angelos desertores reser-
vavit Deus sub caligine eternis vinculis &c.
Ubi simul spes veniae amputata est.

II. Ubi tamen ritè monet Philippus Me-
lanct. & ex eo B. D. Hutt. in LL. CC. maj.
pag. 249. Mendacium ab ipsā diaboli substan-
tiā: sicut id quod proprium habet & quod
aliunde accepit, accuratē discernendum esse.
Substantiam enim non ex proprio, sed aliun-
de habet diabolus, nempē à Deo; omnes enim
angeli boni sunt creati, sed non omnes in eā
bonitate perseverarunt. Habet etiam pro-
prium quoddam diabolus, non à Deo acce-
ptum

ptum, videlicet Mendacium, id est, peccatum, quod libera voluntas diaboli peperit: neq; enim ut scitè in suis locis infert Philippus, inter se pugnant; Substantiam à Deo conditam esse, ac sustentari; & tamen voluntatem diaboli, primam esse caussam Mali, quia voluntas abuti suā voluntate potuit.

III. Detestatus est a. optimus Deus noster hunc angelorum lapsum & omne malum ab eterno, ut & eodem momento quo lapsus contigit, imò quantum ratione æquitatis atq; ordinationis suæ tenebatur, inhibuit impediitq; concessà Libertate contradictionis: nec enim est obligatus per modum infinitæ omnipotentiae suæ illum impedire. Decretum v. Dei de non impediendo omni modo, non erat causa peccati ullò modo. Ps. 5:5. *Non Deus volens iniquitatem tu es.* Zach. 8:17. *No-*
lite cogitare malum in cordibus vestris, & jux-
ramentum malum ne diligatis: omnia enim
haec sunt, que odi, dicit Dominus. Conf. Jer.
 7: 20. c. 19: 5. Job. 33: 15. 28. 29. Conf. B.
 Dn. D. Hulseman. Extens. Brev. pag. 72.

IV. Ad demonstrationem verò causæ, cur Deus Angelos, propter omnem futuritionem mali, ne ulla ejus in Deo vel saltem quoad apparentiam, culpa resideat, tollendam, non creaverit illabiles seu indefectibiles, ponatur similis casus in rebus humanis; Herus qui-
 dam

dam habuit duos famulos, ita naturā comparatos, quod unus sic in bone stabilitus & confirmatus fuerit, ut Domini sui præceptis non potuerit non obtemperare; alter eā libertate Præditus, quā valuerit stare suo Domino & cadere suo Domino, hoc est, parere jussis & non parere. Quis jam horū amborum majori laude favore ac amore erit prosequendus ab Hero, an qui aliter quam obsecundare & iussa capessere non potuit? an verò qui cum potuerat liberè rupugnare Domino suo, per eandem libertatem non repugnavit, sed nutui sui heri per omnia paruit ac obsecundavit? Nonne posterior hic? Voluit proinde Dominus dominantium Deus in primā creatione pro suā sibi liberrimā & convenientissimā sapientiā, in eo statu primitus collocare Angelos, in quo majorem augustiorēque commendationem & amorem essent experturi si stetissent; quam in altero, ubi Minorem. Ideoq; etiam Angeli Stantes, in præmium perseverantiæ suæ, privilegium hujus favoris & divini amoris confirmationisq; in veritate & bonitate adepti sunt cūm latissimum atq; æternis immunitatibus decoratissimum. Sunt enim constituti extra potentiam Lapsus, Luc. 20: 36. Conf. B. Dn. D. Gräwerus in Quæstion. Illustr.

B. Quòd altera origo mali seu caussa peccati fuerit Voluntas protoplastorum.

V. Etenim voluntas Evæ liberrima, suauis angelī apostatici, spontē avertit se à voce Dei illam aversionem nec volentis nec approbatis; Et mox voluntas Adami ab uxore persuasa & contra mandatum Dei extra ordinem vagata hæsit in pomo. Quā in parte militat illud Apostoli Rom. 5: 12. *Per unum hominem peccatum intravit in Mundum.* Scilicet, vel quia hæc causa sociæ stant pro unā; vel quia in collatione cum Adamo secundo Messiā, nominetur saltēm Adamus primus. I. Joh. 2: 16. *Contupiscentia carnis non est expatri, sed ex mundo,* hoc est, ex hominibus, ascendo etiam ad primos, qui cum principe hujus seculi, fuerant & sunt in Mundo. Sap. 2: 24. Φθόνῳ δὲ Διάβολῳ θάνατος εἰσῆλθεν εἰς τὸν κόσμον. Invidiā Diaboli mors introivit in Mundum.

VI. Lapsus ergò protoplastorum erat dif-
fidentia de communi & naturali significatu
verborum interdicti divini, circa abstinen-
tiam ab arbore scientiæ, unde ortum est præ-
ternaturale desiderium acquirendi scienti-
am supernaturalem; Ex hoc natum pro-
positum transgrediundi legem Dei positi-
vam; ex quo proposito eliciebatur actus
trans-

transgressionis; Hoc fuit malum primæ cul-
pæ inter homines, ceu peccatum *Originans*,
ut ajunt Theologi, labem deinceps propaga-
bilem, quam peccatum *Originale* vocant, ju-
xta ordinem historiæ, Gen. 3: 2. seqq. c. 5:
3. Quod observare solent contra *Pontif. im-*
primisque Bellarm. L. iv. de amiss. grat.
cap. 4.

VII. Deus interim nulla ratione obliga-
tus fuit ad surrogandam majorem resistendi
vim, quam ista concreata erat. Etenim illa
non surrogatio majoris auxilii divini contra
diffidentiam de sensu interdicti divini, aut
contra illicitum desiderium acquirendi sci-
entiam incompetentem, aliosque actus &
motus vetitos, præter & supra illud ordina-
rium auxilium divinum, quo status hominis
integer erat stipat⁹, quoq; posset homo decli-
nare quodvis peccatum & superare quam-
cunq; Satanæ temptationem; proprio loquen-
do non fuit poena & effectus primi peccati sc.
diffidentiæ de simplici sensu interdicti; nec
fuit privatio vel subtractio boni ex æquita-
te homini competentis; Sed justissima li-
berrimæ moderationis divinæ gubernatio,
volentis perseverare hominem in primâ con-
ditione per certam & sufficientem mensuram
primæ gratiæ in creatione donatæ & acceptæ.
Eccles. 7. v. Ult. 2. Chron. 26: 15. 1. Cor.

12: 9. Eph. 4: 24. Phil. 3: 12. *Contra Mar-tyrem ejusq; socios Calvinianos.*

VIII. Ubi simul observandum erit, propter hanc non surrogationem indebitam minusque necessariam, Deus neque indirectè nec impropriè, nec per accidens dici meretur causa mali, lapsus vel peccati. Causa namque per accidens, dum de agente rationali prædicatur, necesse est ut præter intentionem suam influat in effectum, ut supra demonstratum est, quod de Deo asserere àorū φέσ cum in Philosophia tum Theologia est. Conf. Pl. 5: 4. Jud. v. 6.

IX. Ut examinari accuratiū Adversario-
rum Antithesis queat, seu ipsa argūmenta
formata, concernentia lapsū potissimum
protoplastorum; Conducit varias quæstio-
nes de eodem lapsu decidere in antecessum.

Quæstio I.

X. Annon ideo Adam necesse habuerit labi, ut Deus in eodem materiam haberet exercendæ gloriæ cum suæ justitiæ, tum misericordiæ?

R. I. Status controversiarum ut fiat eviden-

videntior, non quæri potissimum de Fine ḡ, sed ḥ, hoc est, non disputari: *An ex creatione hominis elucescat Gloria Dei?* sed illud: in quem finem ipse homo à Deo fuerit creatus? *an ut laberetur ḡ peccaret? an verò ut in statu integritatis perseveraret ḡ tandem aeternum salvaretur?* priorem sententiam ceu blasphemam tuens tur Adversarij Calviniani pleriq; postriorem, ceu orthodoxam, propugnamus Lutherani γνησίως dicti.

R₂. Nostram thesin stabilimus: Quia Deus α. omnia bona creavit β. Adversus lapsum protoplastos præmunitus & præmonuit. γ. Lapsis succensuit. δ. Quia Adam potuit non peccare. Ergò, Deus ad lapsum ipsum non prædestinavit. Quod D. Augustin. sæpè inculcat.

R₃. Damnamus verò adversario- rum Antithesin ceu impiam, conclusio- nibus hisce seqq. I. Quia est pariter ἀ- γεράΦος καὶ ἀνέγεραΦος, Sap. 2:23. ὅτι οὐ θεός ἐκπονεῖ τὸν ἀνθρώπον ἐπ' αὐθαροῖς, καὶ εἰ- κόνα τῆς ιδίας ιδιότητος ἐποίησεν αὐτόν. Vulga- tus interpres: *Quoniam Deus creavit ho- minem inexterimabilem ḡ ad imaginem*

similitudinū suā fecit illum! versio Leonis jude sic habet: Nam Deus creavit hominem immortalitati, & eum ad imaginem sui propriam fabricavit. Vatablus in Adnotacionibus marg. Ad naturam non interitaram, & effigiem proprietatis suā fecit illum. Junius vertit: Deus enim creaverat hominem ad conditionem incorruptam & imaginem ipsissimae naturæ suā fecerat eum. in Marg. proprie proprietatis. scilicet quo ad ipsam literam. B. Luth. Germanicè: Denn Gott hat den menschen geschafsen zum ewigen leben/ und hat ihn gemacht zu einer hilde/ das er gleich sehn soll/ wie er ist. Pariter Belga: want Godt heeft den mensche geschapen totten eeuwighen leven/ ende heeften gemaect totten Beelde/ dat hy ghelyck sal zun/ als hy is. Danus. Thi Gudh skabte Menniskēn til det ewige lass/ oc giorde hannem til it billede/ at hand skulde vere lige/ som hand er.

Finno: Sillä Jumala on luonut ihmisen yhtenäiseen elämään: ja on hän luonut hänen caltaiseens. Sve-

CUS

cus: *Tn Gudh hafver skapat menniskiona til ewigt lifff/ och giordt honom til it belete/ at han skulle fådana vara/ som han är.* Discrepantia saltetem est in nonnullis phrasibus; nulla vero in sensu: summa tamen emphasis singulis versionibus, licet uni minor, alteri major inesse videatur. Conf. Gen. 1: 27. 5: 1. Syr. 17: 3. Eph. 4: 24.

R^x. II. Si vel maximè Deus hominem nunquam condidisset; mansisset tamen nihilominus in seipso solo sufficiens, omni numero scilicet, justissimus, optimus, beatissimus, perfectissimus &c. licet neque bonitatem suam præcisè in salvandis, neq; justitiam in reprobis damnandis unquam demonstrasset: fuit namq; El Schaddai, Gen. 17. 1. ab æterno.

R^x. III. Accedit his, q; antea suam justitiam in lapsos angelos exercuerat, proindeque lapsu primorum parentum ad suam declarandam justitiam non indiguit. Conf. 2. Pet. 2: 4. Jud. v. 6.

R^x. IV. Adbæc, si aut nemo vel hominum vel angelorum peccasset, aut si o-

mmes lapsi, Angeli hominesq; suæ integratæ fuissent restituti. Satis tamen magnifica atque præclara extitissent, non modo misericordiæ, sed & divinæ justitiæ documenta: Ita enim novit Dominus Deus temperare Misericordiam suam, ut tamen satisfiat quoq; justitiæ: Id quod in merito sui unigeniti Filij credentibus gratis imputato, abundantè ostendit. Ideoque Misericordiam & judicium cantabo tibi Domine, Psalm. 101: I.

R. V. Paradoxa etiam hæc sunt: Deum ab æterno decrevisse, primum hominem apostatam fore; & simul à seculis destinasse hominem creare ad sui imaginem. Certè, non potuisse in statu innocentia persistere illum, quem virium omnium rectitudine ac integritate Deus instruxit; merum ludibrium fuisset.

R. VI. Porrò, non solum frustranea, sed & simulata ac hypocrita tantum fuisset illa Lex & ejus Comminatio, qua hominem in paradizo à peccando de-

ter-

terrere voluit; Si Deus ab æterno e-
undem ad labendum definivisset; quod
prodigiose blasphemum fuerit. Conf.
Gen. 2: 16. 17.

R. VII. Pugnat etiam illa sententia
cum ipsâ justitiâ Dei. Quia nimirum
Deus ὁ πρώτη ψευδός & primam trans-
gressionem atrocissimè punivit; utiq;
statuendus est Deus O. M. aut non cre-
asse hominem ad interitum, sed pœnas
tantas esse exsecutum propter liberri-
mam angelorum & hominum primo-
rum à suo præcepto defectionem, id
nos cum scripturis universis, ut ante
probatum, statuimus; aut punivisse trās-
gressores ob id, ad quod ab ipso erant
in æterno decreto prædeterminati.
Quod tantum abest ut Dei Justitiam
promoveat, ut eandem potius è dia-
metro destruat, siquidem in æternum
Dei justitia non posset excusari, si cre-
aturam interni, ijsque æternis supplicijs
torqueret, propter id, quod vellet & ap-
probaret ipse conditor, imò, ad quod i-
dem ipse Deus instigaret & cōpelleret.

Quo-

Quocunq; igitur tegumento palliatur Calvinianus hic fœtus, luce meridianâ clarius evadit, Deum peccati autorem constitui. Si namque juxta placita *Calvini ac Bezae*, non modò præscivit Deus ab æterno Adamum lapsorum; Sed ideo præscivit, quia sua voluntate & decreto ad hunc ipsum lapsum illum ordinaverat, quod docent omnes *Saprolapsarij*: Quis non videt, non tantum ad ultimum finem, qui istorum opinione est gloria vel justitiæ vel Misericordiæ divinæ; Sed etiam ad causam intermedium, quod ipsorum quoq; adversariorum confessione est peccatum, Adamum ab æterno fuisse destinatum?

Inst. Excipiat fortè non nemo Adversorum, severam Theologiam mitigari posse eò quod subinde addunt, *justo Dei decreto Adamum ad lapsum esse ordinatum, culpam sicut etiam habuisse in solo Adamo.* talia enim emblemata videre est apud Bezam in Colloq. Mompelg. Part. II. pag. mihi 206. ubi de Adami lapsu hæc scribit: *Adamum igitur ante lapsum dubium non est voluntatem habuisse bonam, sed ut res ipsa ostendit, mu-*

tabilem. Potuit igitur naturalibus suis viribus Satanae suggestioni obfistere, non dum introducta in hominis voluntatem concupiscentia. At quamvis in alterutram partem flexibilis esset haec voluntas, quod ad ipsam duvauiv & facultatem volendi attinet, tamen utrumq; eligere non potuit, sed tantum alterum, Voluntas autem non coacta, sed sua unius sponte, non necessariò, sed contingenter in partem illam inclinavit, que erat à Deo determinata, eujus proinde necessarius quidem fuit eventus ex causa remota, nempe prædestinatione Dei: contingens verò ex propinquâ causa contingente, cuius cum spontaneus fuerit motus, tota culpa in eo hæsit, qui sponte lapsus est. Hæc pro suo cardore Beza. Resp. α. Folia siculnea sunt, quæ libertinorum ac Calvinianorum pudenda non regunt; petunt enim turpiter principium, id namq; arripiunt proconfesso, qnod est maximè controversum, probent prius ex scripturis, si viri sint, Deum ordinasse Adam ad lapsum, deinde disputandum de jure, justè ne an injustè id fecerit. Resp. β. Voluntatem liberam fuisse & tamen in eam partem in qua inclinavit, à Deo determinatam, sapit ἀνθείλεον εἰς τοξοχειμένω, ut loquitur Aristoteles. Resp. γ. quod ait eventum fuisse ne-

ces,

cessarium ex causa remotâ, & tamen contin-
gentem, pariter implicat contradictionem.
distingvas probè inter præscientiam &
prædestinationem; deinceps inter necessita-
tem consequentis & consequentiæ, illa Phy-
sica est, hæc Logica; necessariò quidem De-
us prævidit lapsum, quoniam certò erat fu-
turus, sed non contigit necessitate simpli-
ci, quia causa erat libera, sed hypotheticâ,
nempè immutabilitate facti suppositâ, quan-
do factum fuit. omne enim quod est, eo ipso
quo est, necessariò est; nullus tamen erat
necessarius nexus in statu integritatis, inter
Adamum & lapsum. Sic: *Alexander vicit*
Darium, est axioma contingens, quamvis
veritas historiæ post factum sit necessaria, ne-
cessitate conclusionis, sive logicâ, non phy-
sicâ; quia erat aliquando tempus, quo di-
ci potuit: Alexander non vincit Darium, A-
liud ergò longè loqui est de immutabilitate
Rei & immutabilitate facti. Videmus igitur
tanquam in speculo quomodo *Calviniani*
laudem sumimæ subtilitatis ob judicij acri-
moniam venantes, principia philosophica
confundant, sed & spiritu vertiginis acti ve-
ritatem cœlestem oppugnando propria arma
destruant. quàm multum tandem Philosophia
conducat ad causarū theologiarum ac-
curatam decisionem, si sobria fuerit; tām
irre-

irreparabile damnum importat indagandæ
veritati, si vino $\alpha\bar{\nu}\lambda\delta\epsilon\alpha\sigma$ ac temeritatis e-
vaserit ebria.

*Ab hoc praesidio dejecti Calviniani, va-
ria κρηστός φύγεται querunt: sequitur ergo.*

QUESTIO. II.

XI. Quare Deus non impedi-
verat Lapsum Adami, si ipsum
non eo fine condidit, ut Labe-
retur?

R. 1. Deus nullo jure ad illum im-
pediuñdum, præsertim *actione coactiva*,
obligatus erat: nemini enim quicquam
debet, | Rom. ii: 35.

R. 2. Deum à suâ parte nihil pro-
fus intermisisse, quod ad prohibendum,
impediendumq; lapsum facere poterat,
luculentissimè constat: nam a. Eā omni-
um virium rectitudine & facultate in-
struxit hominem, quā in statu integri-
tatis persistere Deoq; debitam potuisse
præstare obedientiam, si voluisset. b.
Ne homo in aliquam $\epsilon\theta\epsilon\lambda\omega\theta\eta\eta\kappa\epsilon\alpha\tau$ sive
cultum electiōnū corrueret, gratiāve
Crea-

Creationis excideret; certam ei Legem fixit, cuius regulis, intra cancellos veri cultus divini coerceretur.

A peccando, seriis iisque gravissimis comminationibus deterrere voluit Deus hominem Gen. 2: 17. Quæ omnia & plura, ita fuere comparata, ut hominem à lapsu præservare ac impedire potuissent, nisi ipse suâ sponte ruptis obstaculis, à Dei mandatis recessisset. Quò collimat illud *Augustini Lib. de corrept. & gratiâ, cap. 12.*

Adam & terrente nullo, & insuper contra Dei torrentis imperium, libero usus arbitrio, non stetit in tantâ felicitate, in tanta **NON PECCANDI** facilitate.

Proinde cum Deus sic formaverit hominem, ut tam ipsi facile fuisse non peccare, ac peccare; utiq; causa dari amplius non potest, ob quam Deus fuerit obligatus, ad lapsum istum alio modo sufflaminandum.

QUEÆSTIO. III.

XII. Cur Deus omnipotens & bonus, lapsum primorum parentum aliquo modo externo, aut violenter non impediverit sive represserit, manusve aut orare retraxerit?

R^e. Id facere Deum, qui simul sapiens & Justus est, non oportuit, nam *a.* Violentia excludit omnem veram obedientiam, seu spontaneam: coactiva namq; illa repressio, cum obedientiam libera consistere non potuit. Ideò insuper Spontanea esse debuit, ut ipsi Deo probaretur, id quod Div. *Basilius Homil.* quod Deus non sit c. p. hac similitudine explicat: *Quemadmodum tu qui terrenus Dominus es, non eos pro fidelibus & frugi servis judicas, qui comprehendibus aut vinculis constricti, id agunt quod jubes; sed qui Sponte & liberè, quod sui est muneris, strenue faciunt:* ita quoq; Deo acceptum non est quod coactum & violentiam quâdam expressum est; Sed quod ex verâ virtute profici-

fieiscitur. Virtus a. ex $\pi\epsilon\gamma\alpha\rho\epsilon\sigma\tau\alpha$ ori-
tur, non ex necessitate. $\pi\epsilon\gamma\alpha\rho\epsilon\sigma\tau\alpha$ a. &
Electio requirit libertatem arbitrij & $\tau\alpha\pi\eta\pi\zeta\sigma\tau\alpha$, sive $\tau\alpha\epsilon\phi\eta\mu\pi$. Cont. Aug. de
Gen ad Lit. cap. 7. B. Violenta illa re-
pressio potuisset quidem manus retrahere; Ipsam verò voluntatem inter-
num & pravam concupiscentiam mini-
mè correxisset, quin potius magis ma-
gisq; irritasset; proinde si vel maximè
manus & ora $\pi\rho\omega\pi\lambda\alpha\pi\omega\pi$ violento mo-
do fuissent retardata; nondum tamen
lapsus ipse fuisset impeditus, quippè qui
prius per dissidentiam in corde erat
conceptus, quam ore manuve patratus.
Fons ergò peccati ē corde ebulliens e-
rat cohibendus, quod Deus convenien-
tissimè præsttit, propositis illis, sive $\epsilon\kappa-$
 $\pi\delta\pi\mu\alpha\pi$ sive remedij, de quibus su-
pra dictum, quibus homo pravis con-
cupiscentijs resistere, & libero volun-
tatis arbitrio rectè poterat uti.

QUESTIO IV.

XIII. Cur Deus primo homi-
ni reliquerit $\tau\alpha\pi\eta\pi\zeta\sigma\tau\alpha$?

Sive

Sive Liberum Arbitrium?
hoc est:

Cur Deus ipsum non ita potius
Considerit, ut peccare non posset?

R. Magnam hanc esse curiositatem,
quæ cum manifestis cum absurdis tum
impietatibus conflictatur. Nam a. Si
homini Deus non indulisset voluntatis
libertatem seu ἀὐτεξέσον; tum ne usum
quidem rationis atque intelligentiam
concessisset: Intellectus namq; nō absq;
libero arbitrio, neque hoc sine illo exi-
stere naturali cohærentiâ potest, sed ut
Damascenus infert: una cum ratione indu-
citur liberum arbitrium! εὐθέως τῷ λογικῷ
ουνασέρχεται τὸ ἀὐτεξέσον, οὗ hæc sunt
ἀντιστρέφοντα, quæ se mutuo ponunt &
tollunt. Cui ad stipulatur etiam Basili-
us in Hexaem. Qui illud carpit in creato-
re nostro, quod nos non condidit, ut naturâ
peccare non possemus; Is nihil aliud facit,
quam quod contendis, melius fuisse, si Deus
nos creasset irrationales, aut planè immobiles
bruncos aut lapides, quam rationales homines.
B. Ideo Deus hominem in manu consilij

sui reliquit, ut liberū & Spontaneū Deo cultum exhiberet; qualem ipse præstare nunquam potuisset, si facultate libertatis fuisset destitutus ac suo ἀγαθῷ εἰκόνι εaruisset. γ. Vel si quæstio indefinita convertatur in finitam hanc: *Cur Deus eadem condidit hominem ut labi posset?* imo quem lapsurum esse ignorare non potuit?

β. 1. Deum, qui hominem ex nihilo, liberrimo consilio & voluntate crearet, fecisse eundem qualem voluit hominem esse, non angelum, multò minus Deum voluisse factum; illud enim supervacaneum, hoc factum fuisset & invanum. Ideoque hominem fecit hominem, in quo quamvis non esset per essentiam, ut in Deo, vel per gratiam, ut in confirmatis angelis, ἀδυναμία peccandi; esset tamen δύναμις non peccandi, si voluisset; & non minor, si non longè major in integritate persistendi, quam labendi aut peccandi facultas, Eccl. 15: 14. 15. *Deus reliquit hominem in manus consilij sui etc.*

β. 2. Non creasset Deus O.M. homi-

nem, quem lapsum non potuerat ab æterno ignorare, nisi etiam simul ab æterno destinasset hominem cadentem erigere, ac lapsum restaurare per Filium,
Eph. 1: 4.

QUESTIO V.

XIV. Cūr Deus hominem, non statim in ipsâ creatione, ita in bono confirmârit, atq; ita absolutè ad vitam æternam possidendam finxerit & destinârit, ut amplius inde excidere nequaquam posset?

R³. 1. Quia confirmatio in bono debuit esse præmium & gratuita compensatio antegressæ obedientiæ spontaneâ libertate præstitæ; quam cum Adam non dum probaverit, præmij hujus particeps fieri neq; potuit neq; debuit.

R³. 2. Patet evidentia hæc, bonorum Angelorum Exemplo, qui haud prius in bono sunt à Deo confirmati, quam liberam & spontaneam Deo declarassent obedientiam: reliquis, in veritate non perseverantib⁹, sed deserentib⁹ suū dor-

micilium, in iudicium magni diei vinculis æternis sub caligine custoditis,
Joh. 8:44. Epist. Jud. v. 6.

B. 3. Obedientiam quam suo Creatori homo debebat propter beneficium Creationis, oportebat modis omnibus esse conspicuam & maximè καθολικῶς evidenter, talem nimirum, in quā non solum ipsem, suarum proprietarum virium in prima creatione acceptarum facultatem exploraret & experiretur, sed & totius mundi ac posteriorum omnium æquissimam expectaret censuram. Quocirca dubium esse nemini potest, quin ea obedientia summè spes stata sit atque illustris, dum quis non peccat, peccare cum potest, præ illâ, si quis ideo nō peccat, quia peccare non potest. Quibus observatis, impia planè & Blasphemâ vox sic necesse est Johannis Piscatoris Calv. q. in Tr: de prædest. contendit: *Deum tales condidisse primos parentes, ut possent labi; eoque consiliò, ut res ipsa laberentur.*

QUÆSTIO VI.

XV. Cur Deus non aliam legem primis parentibus proposuerit, quam servassent? vel: Quare non interno mentis cultu fuerit contentus, sed insuper externam, etiam corporis membrorum, requisiuerit obedientiam?

R^g. 1. μέραι θιάν, αἴημα: petiturq; in hoc postulato turpiter principium: Si enim vel maximè Deus, aliam primis parentibus legem promulgasset, procul dubio etiam illam violasset, si libertatis arbitrio concessisq; Viribus abusi fuissent.

R^g. 2. Si Deus O. M. ejusmodi legem sanxisset, cuius objectum fuisset homini jam ante prorsus exosum minimèq; appetibile; certè obedientia ejus nequaquam extitisset spontanea, sed proprie loquendo, potius nulla: Leges namq; non solent id prohibere, quod homines suâ naturâ aversantur atq; repudiant. Quomodo igitur quis ultro-

neam dicendus obedientiam præstare circa tale objectum, quod ita per se sua que naturâ est comparatum, ut omnes fani id fugiant ac detestentur.

Rg. 3. Vix factu faciliorem & magis commodam legem dedisset Deus aliam: Etenim in tantâ copiâ ac varietate pretiosarum arborum atque generosorum fructuum, quid potuit esse facilis, quam abundius saltèm arboris fructu abstinere.

Resp. 4. Cum igitur circa legem tam facilem observatu, viribus Concessis uti non malovoluit Adam; Sed Satanæ atque mulieris suasionibus paruerit, si vel maxime aliam Deus dedisset legem, certò coniicere possum, nec eam cundem fuisse servaturum.

Rg. 5. Deniq; non nostrum magis est judicare de opifice; ac vasis ponere leges figulo competit, magnum enim prejudicium est, Sapiëtia dum justificatur à filijs suis, Matth. ii: 19. Rom. 9. 2b.

Rg. 6 Ad alterum prop. Quæstionis membrum: quia Dei imago, ad quam conditus homo primus erat, non tan-

tum vires Mētis animique; sed & re-
ctitudinem corporis virium, omnium-
que membrorum respiciebat: utique
etiam homo non tantum quoad ani-
mam, sed & corpus obedientiam Deo
debebat: Ex omnibus enim viribus
Deus est colendus: requirebatur igitur
eiusmodi lex, circa cuj⁹ observationem,
totius hominis animā & corpore con-
stantis obedientis extaret: ut ea in o-
culis omnium resplenderet evidentior.

QUÆSTIO VII.

XVI. Annon, nullam paren-
tibus primis legem dedisse, præ-
stisset, quam talem tulisse, quam
deinceps tam tristi fato fuerunt
transgressi?

Resp. i, Ratio humana non illumina-
nata, dives insaniā atque erroribus est.
Quia verò finis creati hominis, respectu
Dei, creatoris cultus erat voluntati di-
vinæ maximè congruus; Idcirco cen-
sura ac determinanda veritas de cultu,
quinam Deo gratus & acceptus, vel se-

cus futurus, non pendet ex hominis arbitrio, sed Dei omnipotentis solius arbitrio.

Resp. 2. Cavendum igitur diligenter, ne tali proposito postulato, Gloriæ Dei obex, & emolumento hominis obstatulum opponatur ab adversarijs.

Resp. 3. Ideoque ne homo circa cultum istum Deo debitum exercendum & defendendum aberraret, certam ei legem fixit, qua tam internum mentis motum, quam externam corporis disciplinam informaret, ut vel hoc pacto Deus suam φιλανθρωπίαν voluerit contestari. Quocirca, haud magis vel causa, vel occasio, approbatione ulla Deo adscribi potest; atq; Magistratus politicus transgressionum causa constitui debet, dum subditi, ejus justissimis prævaricantur II.

QUESTIO VIII.

XVII. Quare Deus primos parentes statim post Sanctæ legis transgressionem ac lapsum commissum, prorsus non aboleverit,

ac novum hominem produxe-
rit?

Resp. 1. Ex Classico illo dicto, 1. Cor.
4: 6: ἐδὲ Φρονεῖν, ὑπερογκῆται. Non
oportet sapere supra quod scriptum est.

Resp. 2. Causæ propter quas Deus id
facere non debuerit, satis dari possunt
prægnantes: Nam a. Singulæ rerum
species eo fine creatæ sunt à Deo; ut
tales perdurarent, quales ab ipso factæ e-
rant, donec duraret hic mundus. Quo-
modo ergo unius nobilissimæ Speciei
abolitio, locum habere potuit, & quidē
eo ipso die quo fuit creata: Lapsus enim
est homo, Irenæo iudice, cum alijs non-
nullis patrib⁹, eodem die, quo erat con-
ditus. β. Si Deus, priori homine abo-
lito, novum creare debuisset, vel specie
eundem; vel diversum condidisset: si
illud, profectò & ipse labi potuisset: sin
hoc, tunc non amplius verus homo ex-
titisset corpore & animâ rationali præ-
dit⁹ ac libertate voluntatis instructus γ.
Fuisset etiam illud impossibile respectu
quietis Dei ab omni creationis opere,
die

die Septimo. & Lapsi primorum parentum cum Deus Ter O. Max. non per novam creationem, sed per hominis $\pi\lambda\gamma\gamma\epsilon\tau\sigma\alpha\gamma$ ac Regenerationem, ceu creationem Spiritualem, mederi benignissime voluit, idque sapientissimo consilio; non habebit amplius humana ratio, quod Deo vel hanc in causa sine blasphemiam objicere queat: præsertim cum Regeneratio hæc, tristissimi istius lapsus reatu ac culpam tollat, quæ nova hominis creatio delere nunquam potuisset. Adhuc: Si statim species humana nobis lissima desisset; à sinistris sapientia Dei; à Dextris providentia fuisset periclitata. Hinc, scite infert *Augustinus* Lib. II. de Gen, ad Lit. cap. 10. Potuisset Deus vel voluntatem primorum parentum in bonam convertere, quoniam omnipotens est; vel naturam ipsorum planè immutare: potuisset planè; Cur ergo non fecit? Quia noluit: Cur noluerit, penes ipsum est.: Debemus nos non plus sapere quam oportet, Rom. 12:3.

QUÆSTIO IX.

XVIII. Cur Deus tamen diabolus concessterit veniam ac indulgentiam, decipiendi tamen Nobilis Creaturam? Hominem?

Resp. 1. Quia Deus omnipotens hominem omnibus instruxit viribus, quibus singulis diaboli insidijs ac telis sufficienter potuisset resistere, idque si voluisset, facilimè.

Resp. 2. Deum id permisisse, ut homo haberet q: quoddam Gymnasium concessas sibi corporis animiq; vires integrimas magis magisque exercendi; quā tamen indulgentiā concessā, Deus neque diabolum incitavit, neq; eundem ceu hostem in hominem armavit, neque ipsum hominem ut diaboli suggestioni annueret impulit, aut ullo alio modo lapsum promovit: Blasphema igitur vox est *Calvini* in Comment. in Gen. c. 7. Sic scribentis: *Flexibilem Deus hominem creavit: tentari non modò est passus, sed voluit: nam & diabolo Linguam*

seru-

serpentis præter ordinarium usum commoda-
vit, quemadmodum si quis alteri gladium &
arma suppeditet: cum infelix eventus illi
esset præcognitus, remedium, quale poterat,
non attulit.

QUESTIO X.

XX. Cur tandem Optimus Deus propter gustum, inter tot myriadum millia, unius pomi, adeoque leviculum ob pecca-
tum; tantis pœnis, temporali-
bus scilicet & æternis, miserum hominem involvere voluit?

Resp. L Peccatum illud protoplas-
torum haud fuit Levidense vel exi-
guum; sed fœditate suâ longè atrocis-
simum.

Nam 1. Eva veritatem Verbi divini
vocando in dubium, Deum Mendacem
facere perfidissimè incepit, 2. Eadem
Eva crimen læsa Majestatis divinæ com-
misit, appetendo affectandoque divi-
nos honores, non contenta suis 3. Hinc
nata est superbia cum detestanda in-
gra-

gratitudine. 4. Apostasia à Deo secuta est, dum plus promissioni Satanicæ, quam divino Mandato fidem habuit: s. Tolerantia & approbatio Contumeliaz omnisque generis Mendaciorū Satanæ, quibus omnibus gravissimis vitijs atque peccatis unâ cum uxore reus factus est ipse Maritus Adam. Concurrere etiam aliæ enormitates, quibus justissimum Deum provocarunt ad irascendum ac vindicandum, adeoque sibi ipsis non modò, sed & toti posteritati Iliada miseriarym accersivere. 6. Conf. B. Augustinus Lib. 24. de Civ. Dei.

Cap. 15. Sic scribens: In Lapsu Adami contemptus est Deus jubens, qui hominem creaverat, qui cum ad suam imaginem fecerat, qui cœteris animalibus præposuerat, qui in Paradiſo constituerat, qui rerum omnium copiam salutisque præstiterat, qui præceptis nec pluribus nec grandibus, nec observatu difficultibus oneraverat: Sed uno præcepto levissimo, atque brevissimo, ad obedientiaz salubritatem contentus fuerat, quo super eam creaturam, cui libera servitus expediret, se esse Dominum commonebat, iuxta damnatio subsecuta est.

Corollaria duo ex D. Irenæo adv. hæres. Valentini & similium Lib. 4:c. 73. 74.

I. *Quæ cauſſa fuerit, quod non ab initio perfectus factus est homo?* Respondet:

Si hoc dicat aliquis. Quid enim? Non poterat ab initio Deus perfectum fecisse hominem? Sciat quoniam Deus quidem, cum semper sit idem, & innatus, quantum ad ipsum est, omnia possibilia ei. Quæ autem facta sunt ab eo, secundum quod postea facturæ initium habuerunt, secundum hoc & minora esse oportuit eo qui se fecerit. Nec enim poterant infecta esse quæ nuper facta sunt, propter quod autem non sunt infecta, propter hoc & ideo deficiunt à perfecto.

II. *Secundum quid omnia quæ facta sunt indigent perfecto, & unde est indigentia?*

Resp. Secundum enim quod sunt posteriora, secundum hoc & infantilia, & secundum quod infantilia, secundum hoc & insuetæ, & inexercitata ad perfectam disciplinam. Quemadmodum enim mater potest præstare perfectam escam infanti, ille autem adhuc non potest robustiorem se percipere escam? Sic & Deus ipse quidem potens fuit suo homini præstare perfectionem ab initio, homo autem impotens percipere illam, infans enim fuit. Et propter hoc Dominus noster in novissimis temporibus recapitulans in seipso omnia, venit ad nos, non quomodo ipse poterat, sed quomodo illum nos videre poteramus: Ipse enim in suâ inenarrabili gloriâ ad nos venire poterat, sed nos magnitudinem gloriæ suæ portare non poteramus &c.

*AD Ornatissimum Musarum cultorem,
Dn. ANDREAM RINGIUM Smol.
Amicum & Sympatriotam dilectum,
publicè Disputantem,*
Epigrammam:

Fallax quod Sathanas benè fida filētia no-
Imperet; ut tenerū perdat oyile Dei, (ctis
Numinis adpulsat placidum persæpē cubile,
Repperiatq; locum tentat ubiq; suum.
Præside sub sano pergis defendere RINGI,
Exulet à summo Numine culpa mali.
Tutus eris posthāc recolis dū dogmata sana.
Turbida nec timeas Dæmonis antra vafri.

L. Mq;

ELIAS Zil-Land; Med.D.& Prof.
p.t. Acad. Aboens. RECTOR.

*Ad Politissimum Juvenem Dn. ANDREAM
RINGIUM, Smol. De Causa Mali eruditè Di-
sputantem, Amicum ac Sympatriotā dilectum.*

Antiqui postquam serpētis nata malorū
Astu lerna semel, ludus abundē fuit.
Nemo adeò magnus, felix, quāquāve beatus,
Quem non intereā pungat agatq; dolor.
Ut quō vita magis longa est prolixior atq;
Ampla magis misero tristitiae ansa detur.
Quin etiam surgit media inter gaudia plan-
Et sub melle latet fellis amaricies. (Eius,
Ergo factimeas Ringi, quæ teta videntur.
Post paulò fieri tristia posse putat:
Excipe cœlorum constantia gaudia, quorsum
Transferat, oro, suos nos venemnda Trias!

L. Mq; P RÆS E

Ad Juvenem
Humanitate & Eruditione Pereximum,
Dn. ANDREAM RINGIUM Wexi-
onensem, de Causâ Mali Primâ haud
vulgariter differentem,

Ἐπίγεαμα. (fas,

Non imprudentis factū est, disquirere cau-
Sive bonum quæras, seu metuasq; malū.
Id Sapientis opus, primas inquirere causas,
Sive boni primam, sive & abinde mali
Haud rationis inops igitur, svavissime Ringi,
Nunc agis, ut gnarus noscere utrāq; studes
Nec Te à proposito metus hoc perterreat ullus
Quando est sublatus jam metus ipse mali!
Namq; Mali Causam primādum vicerat, orco
Deniq; submersit Christus & ipse Malum.
Amico affectu festinus apposuit
L. Mq;

PETRUS LAUR BECCHIUS
Poës. Prof. Ordinarius.

APlaudo ergo tuis merito Conatibus, atq;
Opto vovens: Deus auspicijs felicibus acta
Approbet, ex voto tibi prospera fata gubernet;
Cuncta Dei in laudes valeat ut cedere rāde!
Provenit hinc, Ringi, Certò tibi gloria summa
Gloriaq; & merito nunquam sine laude fe-
renda.

Tu cape pro meritis, ni Ringi, rite Corollam!
Non moritura dabit post hæc tibi præmia
Christus.

Præceptor fideliss: ita applausit festinanter,
ANDREAS A. ORRAEUS Tavast. Fin.